

四庫全書

子部

欽定四庫全書

喻林卷四十九

明 徐元太 撰

人事門 四十七

混淆

或以其酒不以其漿
鞞鞞音瑁佩璲不以其長

詩小雅大東

君臣賢愚適同如鳥雌雄相似誰能別異之乎

鄭氏箋詩正月

屨以兩隻為具五為數之奇言葛屨服之賤雖有五兩

其數雖奇以冠綈往配而雙止則非其宜

毛詩正義南山

悲時俗之險阨兮哀好惡之無常棄衡石而意量兮隨

風波而飛揚

後漢書
馮衍傳

欲以難驚廁駕鴻於池沼將移瓦礫參金碧之聲價

陳書

蔡景
歷傳

致使薰蕕之質均誨學庭蘭蕭之體等教文肆

魏書南
安王楨

子英
傳

廁鄭璞於周寶編魚目於隋珠

魏書李順希
仁弟騫傳

當今之世醜必托善以自為解邪必蒙正以自為僻遊

不論國仕不擇官行不辟汙曰伊尹之道也分別爭財
親戚兄弟構怨骨肉相賊曰周公之義也行無廉恥辱
而不死曰管子之趨也行貨賂趣勢門立私廢公比周
而取容曰孔子之術也此使君子小人紛然殺亂莫知
其是非者也故百川並流不注海者不為川谷趣行躋
馳不歸善者不為君子

淮南子
秦族訓

黃白色也衆馬形也而獨以色為形飛者入池之謂也

公孫龍子

白馬論註

牛騎同堂郭氏以亡

焦氏易林
小畜之晉

牛馬聾蒯不知聲味遠賢賤仁自令亂憤

焦氏易林
頤之鼎

次六升于堂顛衣倒裳廷人不慶測曰升堂顛倒失大

衆也

太玄經
第一上

待遇苟合之人與忠直之士曾無別異猶并紉絲與茅

共為索也

王逸註楚
辭惜誓

言患苦衆人稱物量穀不知審其多少同其稱平以失

情實則使衆人怨也以言君不稱量士之賢愚而同用

之則使智者恨也

王逸註楚辭惜誓

言君選士用人雜用駑駘不異賢愚若駕罷牛騂以騏

驥才力殊也

王逸註楚辭七諫

圉澤為珠麤瑤為璣以言君不知賢愚忠佞之士猶雜

魚眼與珠璣同貫而不別也

王逸註楚辭七諫

言持莧落香直之草雜於麝蒸燒而燃之則不識於物

也以言取忠直棄之林野亦不知賢也

王逸註楚辭七諫

言世人不識善惡乃以甌室之土雜廁圭玉又使醜婦

與好女同室也以言君闇惑不別賢愚也

王逸註楚辭哀時命

言已君不明智斥逐忠良而任用佞諛委棄明珠而貴魚眼乘駕羸雜駿馬重班駁喜闇茸心迷意惑終不悟

也

王逸註楚辭九難

君不識賢使紫奪朱世無別知之者

王逸註楚辭九思

紫朱雜廁瓦玉雜糅

王充論衡對作篇

竊華名者螻蜥騰於雲霄失實賈者翠虬淪乎九泉於是斥鷃凌風以高奮靈鳳卷翮以幽戢鉛鋒克太阿之

寶犬羊佻

勃高切
獨行貌

虎狼之資矣

抱朴子外
篇名實

以傾倚申脚者為妖妍標秀以風格端嚴者為田舍朴

駮

抱朴子外
篇疾謬

於是釋銓衡而以疏數為輕重矣棄度量而以綸集為

多少矣

抱朴子外
篇窮達

鷄鷄棲翔鳳之條龜鼉游升龍之川識真者所為憤結

也

文選陸士衡
從梁陳詩註

珪璋雜於甌窰兮隴廡與孟姬同宮

補文選莊
忌哀時命

繫累名利場駑駿同一轡

廣文選阮嗣宗詠懷詩

玉與石而同價兮貫魚眼與珠璣駑駿雜而不分兮服

罷牛而驂驥

廣文選東方曼倩哀命

或偷合而苟進兮或隱居而深藏苦稱量之不審兮同

權槩而就衡或推逐而苟容兮或直言之諤諤傷誠是

之不察兮并紉茅絲以為索

廣文選賈誼惜誓

以為聖人純一之教不如賢者支離之術鄭衛可以易

咸池激楚可以陵韶武耶

藝文類聚刑法部刑法議

謂蜥蜴為神龍者非但不識神龍亦不識蜥蜴

太平御覽卷八

部守
宮

名實失當賞罰妄舉是猶使屍起哭而代大匠斲也夫
死人無為而子弟悲者以為死而不為哭也不與方圓
而處大堂者任大匠而身無作也使屍起哭則哭者亡
主人代匠斲則功不成

道德經指
歸卷十二

譬若男子欲見大海者尚未見大海若見大陂池水便

言是水將無是大海

道行波羅
蜜經卷四

猶如稗麥在好麥中

大寶積經卷一百十三

猶如栴檀之林鄉以伊蘭臭穢亂于真正

法海經尺一

譬如醍醐蜜雜以辛苦鹹

修行道地經慈品

譬如甜藥雜以鹹苦不可分別

修行道地經慈品

栴檀與蓼蘼同芬夜光與熠燿齊暉

弘明集十三

玉石同價猗頓為之於悒朱紫相奪仲尼為之歎息

弘明

集羊子理惑論

聖教綿遠終使鼠璞濫名玄化幽微遂令雞鳳混質

正辯

論表

六

如人不識金以鋤石為妙

高僧傳二鳩摩羅什

無以穢食置於寶器

維摩詰所說經弟子品

計失

商人慮有陰雨宜用輔以佐車今其車既載重矣乃棄
爾之車輔反令車載溺也以喻王政慮有傾危宜用賢
以治國今其既有大政矣乃棄汝之賢人反令國政亂
也車既棄輔又遇陰雨則隳敗汝之車載既隳敗然後

請長者助我則晚矣以喻國既棄賢又遇傾敗則滅亡
汝之國國家既滅矣然後求賢人佐已則亦晚矣王何
不及其未敗用賢自輔乎

毛詩正義正月

勞師於戎而失諸華雖有功猶得獸而失人也安用之

晉國語

夫太子國之棟也棟成乃制之不亦危乎

晉國語

夫攻形不如越而攻心不如吳而君臣上下少長貴賤
畢呼霸王臣竊以為猶之井中而曰我將為爾求火也

戰國策
韓釐王

語曰寧為雞口毋為牛後今大王西面交臂而臣事秦

何以異於牛後乎

戰國策
韓昭侯

今人有謂臣曰入不測之淵而必出不出請以一鼠首
為汝殉者臣必不為也今秦不可知之國也猶不測之
淵也而許綰之首猶鼠首也內王於不可知之秦而殉

王以鼠首臣竊為王不取也

戰國策
魏安釐王

以地事秦譬猶抱薪而救火也薪不盡則火不止今王

之地有盡而秦之求無窮是薪火之說也

戰國策魏安釐王

王獨不見夫博者之用梟邪欲食則食欲握則握今君劫於羣臣而許秦因曰不可革何用智之不若梟也

戰國

策魏安釐王

秦敗魏於華魏王且入朝於秦周訢謂王曰宋人有學者三年反而名其母其母曰子學三年反而名我者何也其子曰吾所賢者無過堯舜堯舜名吾所大者無大天地天地名今母賢不過堯舜母大不過天地是以名

母也其母曰子之於學者將盡行之乎願子之有以易
名母也子之於學也將有所不行也願子之且以名母
為後也今王之事秦尚有可以易入朝者乎願王之有
以易之而以入朝為後

戰國策魏
安釐王

臣聞爭名者於朝爭利者於市今三川周室天下之市
朝也而王不爭焉願爭於戎狄去王業遠矣

戰國策秦
惠文君

今使太子將之此無異使羊將狼也

史記留
侯世家

欲湯之滄一人炊之百人揚之無益也不如絕薪止火

而已不絕之於彼而救之於此譬猶抱薪而救火也

前漢

書救
乘傳

父子首足也昆弟四支也當使筋骨髓血動靜足以相勝長短大小幹用足以相衛豈有割脛致腹取骨肉以增頭刻背露骨剝膏腴以裨頷而謂顙顙魁岸可得比

壽松晉喉咽擁腫必能長生久視哉

後漢書志
百官五

及今成計殊尚善也過是欲少味矣

後漢書
馬援傳

議者喻以補衣猶有所完謂恐其疽食侵淫而無限極

後漢書
虞翻傳

豈有觸冒死禍以解細微譬猶療饑於附子止渴於酖

毒未入腸胃已絕咽喉豈可為哉

後漢書霍
諤列傳

夫繼食鷹鷂欲其驚鷙而亨之將何用哉

後漢書蓋
勲列傳

豈敢傾根竭本寄命洪流以徼乾沒乎

魏志傅
燾傳

若棄紹近援而求瓚遠助此假人於越以救溺子之說

也

魏志程
昱傳

此何異乎抱薪救焚扇火止沸哉

魏志公孫
瓚傳註

無異於埋金路隅而書表於上也雖甚愚之人必將笑

之

晉書皇甫謐傳

若乃海運既徙而鵬翼不舉永結根於南垂廢神州於

龍漠

晉書桓溫傳

保左右議曰蝮蛇在手壯士解其腕且斷隴道以觀其

變從事中郎裴詵曰蛇已螫頭頭可截不

晉書索靖傳

陛下心腹四支何處無患復誅巫咸戮扁鵲臣恐遂成

桓侯膏肓之疾後雖欲療之其如病何

晉書劉聰傳

繫狗當繫頸今反繫其尾何得不然

晉書忠賈皇后傳

非徒不足致益乃是蠶漁之所資

晉書董景道傳

今人知不以羊追狼蟹捕鼠而令重車弱卒與肥馬悍

胡相逐其不能濟固宜矣

宋書周郎傳

發雷霆之怒爭蟲鳥之氣

南齊書孔稚圭傳

愛毛反裘甚無謂也

魏書高祖上紀

將涉千里殺騏驎而策蹇驢可悲之甚

北齊書楊愔傳

譬之畜狗本取其吠今以數吠殺之恐將來無復吠狗

北齊書酷吏
宋遊道傳

莊子曰齊人竊子於宋者其命闇也不以完其求鉏鍾
也以束縛其求唐子也而未始出域有遺類矣夫楚人
寄而竊闇者夜半於無人之時而與舟人鬪未始離於
岑而足以造於怨也

莊子徐
無鬼

子墨子謂魯陽文君曰今有一人於此羊牛犢豕雞人
但割而和之食之勝食也見人之生餅則還然竊之曰
舍予食不知日月安不足乎其有竊疾乎魯陽文君曰

有竊疾也子墨子曰楚三意之田曠蕪不可勝辟許靈數千不可勝見宋鄭之間邑則還然竊之此與彼異乎

魯陽文君曰是猶彼也實有竊疾也

墨子耕柱

我不以貨事上而求遷者則如以狸餌鼠爾必不異矣若以情事上而求遷者則如引諸絕繩而求來枉木也愈

不異之矣

商子康戰

爭利如蚤甲而喪其掌

荀子大畧

是渠衝入穴而求利也是仁人之所羞而不為也

荀子強國

篇

事彊暴之國難使彊暴之國事我易事之以貨寶則貨
寶單而交不結約信盟誓則約定而畔無日割國之錙
銖以賂之則割定而欲無厭事之彌煩其侵人愈甚必
至於資單國舉然後已雖左堯而右舜未有能以此道
得免焉者也辟之是猶使處女嬰寶珠珮寶玉負戴黃
金而遇中山之盜雖為之逢蒙視詘要撓牕君廬屋妾
由將不足以免之

荀子
富國

魯穆公使衆公子或宦於晉或宦於荆犂鉏曰假人於越而救溺子越人雖善游子必不生矣失火而取水於海海水雖多火必不滅矣遠水不救近火也今晉與荆

雖強而齊近魯患其不救乎

韓非子
說林上

昔秦伯嫁其女於晉公子令晉為之飾裝從衣文之媵七十人至晉晉人愛其妾而賤公女此可謂善嫁女妾而未可謂善嫁女也楚人有賣其珠於鄭者為木蘭之櫃薰桂椒之櫝綴以珠玉飾以玫瑰輯以翡翠鄭人買其櫝

而還其珠此可謂善賣櫝矣未可謂善鬻珠也

韓非子外儲說左

君子終日行不離輜重也邦者人君之輜重主父生傳

其邦此離其輜重者也

韓非子喻老

今世上卜筮禱祠故疾病愈來譬之若射者射而不中反修于招何益于中夫以湯止沸沸愈不止去其火則止

矣

呂氏春秋盡數

弗肯早為已乃墮骨肉之屬而抗到之

賈子宗首

魯人身善制冠妻善織屨往徙於越而大困窮以其所

修而游不用之鄉譬猶樹荷山上而畜火井中操釣上

山揭斧入淵欲得所求難也方車而蹠越乘桴而入胡

欲無窮不可得也

淮南子
說山訓

遺人馬而解其羈遺人車而脫其轆所愛者少而所亡

者多故里人諺曰烹牛而不鹽敗所為也

淮南子
說山訓

壞塘以取龜發屋而求狸掘室而求鼠割脣而治齟齬

跖之徒君子不與

淮南子
說山訓

治鼠穴而壞里閭潰小匏而發瘞疽

淮南子
說林訓

捨茂林而集於枯不弋鵲而弋烏難與有圖

淮山子
說林訓

昌羊去蚤蝨而來汙窮除小害而致大賊欲小快而害

大利

淮南子
說林訓

為酒人之利而不酤則竭為車人之利而不儻則不達

握火提人反先之熱

淮南子
說林訓

夫鵲先識歲之多風也去高木而巢扶枝大人過之則

探轂嬰兒過之則挑其卵知備遠難而忘近患故秦之

備胡也烏鵲之智也

淮南子
人間訓

強養弱抑則齊民消若衆穢之盛而害五穀

鹽鐵論
禁耕

夫不早絕其源而憂其末若決呂梁沛然其所傷必多

矣

鹽鐵論
禁耕

無異於愚人反裘而負薪愛其毛不知其皮盡也

鹽鐵
論非

歟

崇利而簡義高力而尚功非不廣壤進地也然猶人之

病水益水而疾深

鹽鐵論
非歟

此所謂擊胸之智而愚人之計也夫何大道之有故曰

小人先合而後忤初雖乘車卒必泣血此之謂也

鹽鐵論非

鞅

夫犀象兕虎南夷之所多也騾驢馱駝北狄之常畜也中國所鮮外國賤之南越以孔雀珥門戶崑山之旁以玉璞抵鳥鵲今貴人之所賤珍人之所饒非所以厚中

國明盛德也

鹽鐵論崇禮

今羸驢之用不中牛馬之功

羸音渾

羸音

羸羸不益錦綈

之寶美玉珊瑚出於崑山珠璣犀象出於桂林此距漢

萬有餘里計耕桑之功資財之費是一物而售百倍其

價一也一挹而中萬鍾之粟也

鹽鐵論
力耕

是由棄江臯河濱而田於嶺坂菹澤也

鹽鐵論
輕重

匈奴貪狼因時而動乘可發輒舉電至而欲以誠信之

心金帛之寶而信無義之詐是猶親蹠蹠而扶猛虎也

鹽鐵論

世務

今不固其外欲安其內猶家人不堅垣墻狗吠夜驚而

暗昧妄行也

鹽鐵論
險固

終日逐禽罷而釋之則非計也

鹽鐵論
擊之

茫茫乎若行九臯未知所止浩浩乎若無網羅而漁江

海雖及之三軍罷弊適遺之餌也

鹽鐵論
西域

國有封疆猶家之有垣牆所以合好覆惡也室不能相

和出訟鄰家未為通計也

新序雜
事二

載金販狗利棄我走

焦氏易林
訟之旅

袍衣剝脫夏熱冬寒

焦氏易林大
有之未濟

載土販鹽難為功力

焦氏易林
无妄之解

爭難失羊亡其金囊

焦氏易林
恒之夬

築室水上危於一齒

焦氏易林
大壯之離

作蠶不織寒無所得

焦氏易林
家人之泰

折挺春稷君不得食頭痒搔跟无益於疾

焦氏易林
蹇之革

販鼠賣蠹利少無謀

焦氏易林
姤之晉

買椒失粟亡我大利

焦氏易林
萃之大壯

去辛就蓼毒愈酷甚避穽遇坑憂患日生

焦氏易林
豐之益

次三關無鍵舍金管測曰關無鍵盜入門也

太玄經
第一關

次五奔鹿懷麓得不訾測曰奔鹿懷麓奚足功也

太玄經第

四唐

譬諸孺子掩目巨夫之腋而曰逃可乎

申鑒俗嫌

信用衆愚欲以致治猶若駕跛鼃而欲上山我固知其

不能登也

王逸註楚辭哀時命

居累卵之危而圖太山之安為朝露之行而思傳世之

功豈不惑哉

潛夫論貴忠

焚椒蘭其望治由倒裳而求領

曹子建九詠

何異圖畫騏驎以代徒行之勞遙指海水以解口焦之

渴張魚網於峻極之巔施釣緝於修木之末雖自以為

得所猶未免乎迂闊也

抱朴子外篇安貧

今吾子督余以誨盜之業敦余以召賊之策進醢酒以

獻酬非養壽之忠益

抱朴子外篇安貧

世人不問愚智皆欲識人之多見事之廣而不肯讀書

是欲求飽而懶營饌欲暖而惰裁衣也

顏氏家訓勉學

菖蒲去蚤蟲而來蚰蜒礬石止齒齕之痛而朽牙根躁

痛雖弭必生後害此取小利而忘大利雖去輕害而負

重害也

劉子利害

一簣之土固不能障塞江河是以身沈沒也

前漢書
註師丹

傳

臨川日暮而又相思何為汎舟而不濟以相從乎

李善
註文

選曹子建
朔風詩註

尋斧始於所庇制國昧於弱下

文選陸士衡
五等諸侯論

割剝富强以養貧弱何異餓耕牛乘馬而飽吠犬棄干

將而礪鉛刀也

意林物
理論

忿飢焚衣其損多矣忿饜之熟推飢而棄之損益多

意林

物理
論

趙簡子舉兵伐齊有被甲士申護笑簡子曰子何笑對
曰臣乃有宿笑當桑之時臣鄰家父與妻俱之田見桑
中女因追之不能得還反其妻怒而去之臣笑其曠也

簡子曰今吾伐國失國是吾曠也還師而歸

藝文類聚
人部諷

亡載得輿所獲益寡爭難失牛所損更大

文苑英華元
世俊移文

功以才成業由才廣若捨此不任防其後患是猶備風

波而逆廢舟楫非長計也

何氏語林德
行襄陽記

鷓鴣所以愛養其子者適以病之愛憐養其子者謂堅

固其窠巢病之者謂不知託於大樹茂枝反敷之葦蒿

風至蒿折巢覆有子則死有卵則破是其病也

玉海詩
攷韓詩

譬如有人欲求香象得此象已捨而求跡

波羅蜜多經
卷三百三

譬如餓狗捨其主食返從僕使而求覓

波羅蜜多經
卷三百三

犬唯逐塊不知逐人壞終不息外道亦爾不知斷生終

不離死

波羅蜜多經卷
五百六十九

譬如狗子從大家得食不肯食之反從作務者索食

行道

波羅蜜多

經卷四

譬如有人年耆極老身嬰長病卧在牀席不能起止時
有一人巨富饒財齋持珍寶至病人所而語之言我有
緣事當至他方以寶相寄為我守護或十年還若二十
年待我還時汝當歸我彼老病人卧在牀席無有子息
唯獨一身彼人已去未久之間時彼病人因至命終所

寄財物悉皆散失彼人行還求索無所

大寶積經卷八十八

譬如有人到寶渚所捨帝釋青寶及大青寶金銀真珠

皆悉捨離大價之寶取於水精

大方廣十輪經卷四

譬如有人大搏擲令怖反走逐之不趣擲者

摩訶衍寶嚴經推七

譬如癡人破車遲牛欲過險道甚難可過

七佛所說神咒經卷三

譬如商人計數金錢置一器中其子啼時授與一錢彼

器中錢日日損減

大法鼓經卷上

譬如大田家收入甚大豐但食不復種穀盡亦饑窮

佛說

五苦章句
經尺七

譬如有人卒患脊偻諸醫療治醫以酥塗上下著板用

力痛壓不覺雙目一時併出

百喻經
卷上

譬如有人磨一大石勤加功力經歷日月作小戲牛用

功既重所期甚輕

百喻經
卷上

破滅法炬自焦其心斫伐法樹乃殖毒林

本緣經
鹿品

不應挑其右目以治左眼

本緣經持
王子品

如有人欲食甘露而食毒藥欲求安樂而反入賊欲安

隱身反服非藥欲除斷渴愛反飲鹹水欲斷姪欲反樂

衆女

本緣經持
王子品

譬如種穀雖多得收不復種種但稍稍飯雖久飯不止

會有盡時

小地
經藉九

人治生譬如蜂作蜜採取衆華勤苦積日已成人便竊

取持去亦不得自食適自疲極

三慧經
藉八

昔有一婆羅門居家貧窮正有一犍牛犢乳日得一斗
以自供活聞說十五日飯諸衆僧沙門得大福德便止

不復聲牛停至一月并取望得三斛持用供養諸沙門
至滿月便大請諸沙門至舍皆坐時婆羅門即入聲牛
乳正得一斗雖久不聲乳而不多諸人呵罵言汝癡人
云何日日不聲乃至一月也而望得多今世人亦如是
有財物時不能隨多少布施停積久後須多乃作無常水
火及以身命須臾難保若當不遇一朝蕩盡虛無所護

衆經撰雜
譬喻經

得入梅檀林而但取其葉既入七寶山而更取水精

大智

度論
卷五

如人以手障鋒但自傷其手鋒無所損

大智度論
卷五十六

譬如人在寶洲但得水精珠則所利益薄

大智度論
卷七十九

是忿風濤而毀舟楫也

弘明集九

無異人苦頭蝨因欲并首俱焚患在足刺遂欲通股全

解不亦濫乎

弘明集
釋駁論

竭溟海而求珠淨康衢而徙石蓋勞力也

辨正論
卷六

以好栴檀貿易瓦木以金易鍤石以銀易白蠟以絹易

斃褐以甘露易於惡毒

法苑珠林卷三

譬鼠入角路窮何趣

法苑珠林卷二十

今愛榮而不知慕賢求福而不知避禍譬猶播植粃粃

而欲歲取精糧驅駕騶蹇而望騰超賈絕不亦惑哉

法苑

珠林卷五十一

昔有一人貧窮困苦為王作事日月經久身體羸瘦王見憐愍賜一死駝貧人得已即便剝皮嫌刀鈍故求石欲磨乃於樓上得一磨石磨刀令利來下而剝如是數

數往來磨刀後轉苦憚不能上樓懸鈍上樓就石磨刀

深為人笑

法苑珠林卷五十三

欲須甘果翻種苦栽欲除渴乏反趣鹹水

法苑珠林卷五十五

譬如牛厭患車故欲使車壞前車若壞續得後車扼其

項領

法苑珠林卷八十九

令反

罪諫臣而求直言亦猶北行詣越豈有得邪

晉書慕容銳傳

猶揭表而令之止也

管子君臣上

君使服之於內而禁之於外猶懸牛首於門而賣馬肉

於內也

晏子春秋
秋雜下

其在後世以急刻而責恕以譎偽而課忠言非其願意
非其真而保人之弗叛悲夫是正坐於夕室也是白之
懸而黑之募也是縱櫟於陸而發軔於川也其亦不可

以幸而幾矣

子華子
孔子贈

彊令之笑不樂彊令之哭不悲彊令之為道也可以成
小而不可以成大缶醯黃蚋聚之有酸徒水則必不可


以狸致鼠以冰致蠅雖工不能以茹魚去蠅蠅愈至不可禁以致之之道去之也桀紂以去之之道致之也罰

雖重則雖嚴何益

呂氏春秋功名

執彈而招鳥揮柷而呼狗欲致之顧反走

淮南子說山訓



喻林卷四十九

欽定四庫全書

子部

喻林卷五十一

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱忻

騰錄監生臣曹錫爵

欽定四庫全書

喻林卷五十

明 徐元太 撰

人事門 四十八

荒縱

終風且暴顧我則笑。終風且霾。終風且曠。與縊同不

日有曠

詩國風終風

新臺刺衛宣公也納伋之妻作新臺于河上而要之。詩毛

新臺

盧令刺荒也襄公好田獵畢弋而不修民事百姓苦之

故陳古以風焉

毛詩
盧令

隰有萋楚疾恣也國人疾其君之淫恣而思無情慾者

也

毛詩
隰有萋楚

女所行如是猶鳥飛行自恣東西南北時亦為弋射者
所得言放縱久無所拘制則將遇伺女之間者得誅女

也

鄭氏箋
詩桑柔

然淇則有岸隰則有泮以自拱持今君子反薄而棄已

放恣心意曾無所拘制言淇隰之不如

毛詩正義

洄然而滿者彼流水也此水之流湯湯然波流漫溢無

所入既不注於海復不入大川以興強盛者彼諸侯也

此諸侯奢僭放恣無所事既不朝天子又不事侯伯

毛詩

正義
汚水

駢然而疾者彼飛隼其意欲飛則飛欲止則止自由無

所畏也以喻彼諸侯欲朝則朝欲否則否自恣無所懼

也

毛詩正義

駢然而疾飛者彼飛隼則已飛而不息則又加之游揚
妄相擊害以興彼自恣之諸侯則已不朝天子則又加
以出兵妄相侵伐

毛詩正義
河水

鳥飛無定之物人心有定之主今鳥有所至人心反無

至

毛詩正義
苑柳

有鳥高飛謂其終無所至亦至于天而止也今彼人幽
王之心于何其所至乎言其心轉側無常人不知其所

止

毛詩正義
苑柳

無客而飲謂之從酒今若子者晝夜守尊謂之從酒也

晏子春秋
雜論下

情所欲好耳所欲聽目所欲視口所欲嘗雖殊方偏國
非齊土之所產育者無不必致之猶藩牆之物也及其
游也雖山川阻險途逕修遠無不必之猶人之行咫尺步

也

列子
楊朱

縱而肆之其猶烈猛火於雲夢開積水乎萬仞其可撲

以箒簞遏以撮壤哉

抱朴子外
篇疾謬

清論所不能復制繩墨所不能復彈遂成鷹頭之蠅廟

垣之鼠

抱朴子外
篇疾謬

大過娣越如媚

云貴切

陵姊風采

音迷

于陂舟休

音溺

于水傳

曰娣越如長替於少也媚陵姊季僭於孟也風采于陂

過其度也舟休于水失其節也

元包
孟陽

喘悸之息以喉為節言情欲奔競所致

莊子音義
大宗師

過屠門而大嚼雖不得肉貴且快意當斯之時願舉泰

山以為肉傾東海以為酒伐雲夢之竹以為笛斬泗濱

之梓以為筓食若填巨壑飲若灌漏卮其樂固難量豈

非大丈夫之樂哉

文選曹植與
吳季重書

次五蒙柴求兕其德不美測曰蒙柴求兕得不慶也

太玄

經第一童

次三裳格擊鉤渝測曰裳格擊鉤無以制也

太玄經
第二格

五蓋覆心禪門已閉六塵在念亂想常馳類狂象之無

鉤似戲猿之得樹

法苑珠林
卷八十四

失道

彼月而食則維其常此日而食于何不臧

詩小雅十月之交

誰能執熱逝不以濯其何能淑載胥及溺

叶奴學反。詩大雅桑柔

發發飄風非有道之風偁偁疾驅非有道之車

毛詩匪風註

林中大木之處而維有薪蒸朝廷宜有賢者而但聚小

人

毛詩正月註

違禮義不由其道猶雉鳴而求其牡矣

毛詩匏有苦葉註

賈物而有三倍之利者小人所宜知也君子反知之非其宜也今婦人休其蠶桑織紉之職而與朝廷之事其

為非宜亦猶是也

鄭氏箋
詩瞻印

愛好美色不往見子都之美好閑習者乃往見狂醜之人喻忽之好善不任用賢者反任用小人所美非美故

刺之

毛詩正義
山有扶藪

不睹子充而睹狡童以喻昭公之好善不愛賢人而愛

小人也

毛詩正義
山有扶藪

人既刈白華已漚為菅柔韌中用今何為更取白茅收束之今以白茅伐白華則脆而不堪用也以興王既聘

申女已立為后禮儀充備今何為更納褒姒嬖寵之今以褒姒代申后則妬而將滅國也寵褒姒以黜申后似

取白茅而棄鞬管

毛詩正義白華

交交然小者是桑扈之鳥也鳥自求生活當應肉食今既無肉循場啄粟而食之失其天性以此求活將必不能以興王者欲求治國當行善教今無善教施布亂政以治之失其常法以此求治終不可得

毛詩正義小宛

言老馬反為駒而用之猶王於老人反為童而遇之

毛詩

正義

角弓

聞以德和民不聞以亂以亂猶治絲而棼之也

左傳隱公四年

天反時為災地反物為妖民反德為亂亂則妖災生故

文反正為乏

左傳宣公十五年

賈而欲贏而惡囂乎

左傳昭公元年

遷怒肆忿快意於行人譬諸豺狼求食而已

春秋正義襄公十一年

今有場師舍其梧櫝養其槭棘則為賤場師焉

孟子告子上

拱把之桐梓人苟欲生之皆知所以養之者至於身而

不知所以養之者豈愛身不若桐梓哉弗思甚也

孟子告子

上

享而既具是棄禮若其不具是用秕稗用秕稗君辱棄

禮名惡

孔子家語相魯

出令則如反汗用賢則如轉石去佞則如拔山如此望

陰陽之調不亦難乎

前漢書楚元王傳

所冠不以仁義為冕所蹈不以賢佐為力終至顛蹶絕

滅漢祚

後漢書黃瓊列傳

夫華離蒂而萎條去幹而枯女冶容而淫士背道而辜

後漢書蔡

邕列傳

譬猶緣木求魚升山採珠

後漢書
劉玄傳

畫真人於刻楮之室載退士於進趣之堂

晉書
嵇傳

其於政也如農者之殖饒野早年之望豐穡必不幾矣

晉書
阮種傳

不悟清流在於澄源止輪由乎高閤患生於本治之於

末故也

宋書
袁湛傳

誣飾蚯蚓冀招神龍

宋書王徽傳

夫移心疾於股肱非良醫之美畏影迹而馳驚豈靜處

之方

南齊書王儉傳

以此取士求之濟治譬猶却行以及前之燕而向楚

魏書

羊深傳

沈於樂者洽於憂厚於味者薄於行慢於朝者緩於政

害於國家者危於社稷

管子中匡

今君臨民若冠讐見善若避熱

晏子春秋諫上

以事生事又以事止事譬猶揚火而使無焚也以智生

患又以智備之譬猶撓水而欲其清也

文子通德

汙其準粉其顙腐鼠在阼燒薰於堂

文子上德

福輕乎羽莫之知載禍重乎地莫之知避

莊子人間世

非人者必有以易之若非人而無以易之譬之猶以火

救水也其說將必無可焉

墨子兼愛下

用事不巧則操末績顙圓鑿方枘情道兩失

鬼谷子反應注

天下敖然若燒若焦墨子雖為之衣褐帶索啜菽飲水

惡能足之乎既以伐其本竭其原而焦天下矣

荀子富國篇

墨子之於道也猶瞽之於白黑也猶聾之於清濁也猶

之楚而北求之也

荀子樂篇

衡不正則重懸於仰而人以為輕輕懸於俛而人以為重

此人所以惑於輕重也權不正則禍託於欲而人以為

福福託於惡而人以為禍此亦人所以惑於禍福也道

者古今之正權離道而內自擇則不知禍福之所託

荀子

正名

古之人目短於自見故以鏡觀面智短於自知故以道

正已故鏡無見疵之罪道無明過之怨目失鏡則無以

正鬚眉身失道則無以知迷惑

韓非子觀行

衛人有佐弋者鳥至因先以其袺麾之鳥驚而不射也

韓非子外儲說左上

鄭縣人乙子妻之市買鼈以歸過潁水以為渴也因縱

而飲之遂亡其鼈

韓非子外儲說左上

使燕王內憎其民而外愛魯人則燕不用而魯不附民

見憎不能盡力而務功魯見說而不能離死命而親他主如此則人臣為隙穴而人主獨立以隙穴之臣而事

獨立之主此之謂危殆

韓非子雜論法術

棄玉取石者盲羊質虎皮者辱

黃石公素書安履

故欲以刑罰慈民辟其猶以鞭狎狗也雖久弗親矣故欲以簡泄得士辟其猶以弧休鳥也雖久弗得矣

賈子大政

下

今夫儒者不本其所以欲而禁其所欲不原其所以樂

而閉其所樂是猶決江河之源而障之以手也夫牧民者猶畜禽獸也不塞其圉垣使有野心系絆其足以禁其動而欲修生壽終豈可得乎

淮南子
精神訓

鑿五刑為刻削乃背道德之本而爭於錐刀之末斬艾百姓殫盡太半而忻忻然常自以為治是猶抱薪而救

火鑿竇而出水

淮南子
覽冥訓

愛熊而食之鹽愛獺而飲之酒雖欲養之非其道

淮南子
說

林訓

不能耕而欲黍稷不能織而喜采裳無事而求其功難

矣

淮南子
說林訓

游者以足蹶以手拂不得其數愈蹶愈敗及其能游者

非手足者矣

淮南子
說林訓

蒙塵而昧固其理也為其不出戶而堞之也

淮南子
說林訓

不修其身求之於人是謂失倫不治其內而修其外是

謂大廢重載而危之操策而隨之非所以為全也

說苑
談叢

鳴鼓逐狐不知跡處

焦氏易林
乾之无妄

騎狔逐羊不見所望

焦氏易林
乾之蹇

鑿井求玉非卞氏寶名困身辱勞無所得

焦氏易林
蒙之臨

氓伯以婚抱布自媒棄禮急情卒罹悔憂

焦氏易林
蒙之困

空槽注猪狔彘不到張弓視雞雄鳩飛去

焦氏易林
師之旅

裸裎逐狐為人所笑

焦氏易林
大有之咸

耕石不富衡門屢空

焦氏易林
咸之需

入水求玉失其所欲

焦氏易林
咸之否

入市求鹿不見頓足

焦氏易林
遯之同人

乘牛逐驥日暮不至

焦氏易林
損之蠱

左手把水如光與鬼不可得徒

焦氏易林
姤之旅

冰入炭室消滅不息

焦氏易林
鼎之恒

穿匏浥水構鍊熒火勞疲力竭饑渴為禍

焦氏易林
艮之坤

獨立山顛求麋耕田草木不闢秋饑无年

焦氏易林
未濟之无妄

次六將其車入于丘虛測曰將車入虛道不得也

太玄
經第

一
壅

次三戾其腹正其背測曰戾腹正背中外爭也

太玄
經第一戾

次三美迂塗不能直如測曰美迂塗不能直行也

太玄經第

一美

次四男女事不代之字測曰男女事非厥務也

太玄經第二事

次二動于響景測曰動于響景不足觀聽也

太玄經第二釋

次二嚇河耀測曰嚇河之耀何可憫也

太玄經第二爭

次五交于鷺猩不獲其榮測曰交于鷺猩鳥獸同方也

太玄經

第二交

次三化白于泥溜測曰化白于泥變不明也

太玄經第三更

次三準繩不甫亡其規矩測曰準繩不甫其用棄也

太玄

經第
三法

初一竈無實乞于鄰測曰竈無實有虛名也

太玄經
第四竈

上九明珠彈于飛肉其得不復測曰明珠彈肉費不當

也

太玄經
第四唐

初一去此靈淵舍彼枯園測曰去此靈淵不以謙也

太玄

經第
五去

次三割鼻食口喪其息主測曰割鼻喪主損無榮也

太玄

經第六
割

次五大爵將飛拔其翮毛羽雖衆不得適測曰大雀拔

翮不足賴也

太玄經
第六將

今齊王失士而求諸侯是何異于失網而求魚乎

天祿
關外

史將
才

鏡明見人之首而人不推鏡破之而抗以玄錫摩以白

旃是說鏡之明已也士有明已者陳已之短欲令長之

以去其病而不德之反欲殺之是惡士之明已也

呂氏
春秋

達鬱
解

言桂蠹食芬香居高顯不知留止妄欲移徙則失甘美之木亡其處也以言衆臣食君之祿不建忠信妄行佞諂亦將失其位喪其所也

王逸註楚辭七諫

神鳥至則衆鳥集從今反鴉往處之故驚而鳴也

王逸註楚

辭九
思

名山宜神鳥處之猶朝廷宜賢者居位而今惟小人故

云鴉萃之也

王逸註楚辭九思

江離兮遺捐忠正之士棄山林也辛夷兮擠滅仁智之

士抑沉沒也

王逸註楚辭九懷

昔倉梧丙娶妻美而以與其兄欲以為讓也則不如無
讓焉尾生與婦人期於水邊水暴至不去而死欲以為
信也則不如無信焉葉公之黨其父攘羊而子證之欲
以為直也則不如無直焉陳仲子不食母兄之食出居
於陵欲以為潔也則不如無潔焉宗魯受齊豹之謀死
孟縶之難欲以為義也則不如無義焉

徐幹中論貴言

君子既有賢才又卜其居復順積德乃享元吉猶夫良農既懷善藝又擇沃土復加耘耔乃有盈倉之報耳今見愚民不能得福於苦居便謂宅無善惡何異觀種田之無十千而謂田無壤墾耶良田雖美而稼不獨茂卜

宅雖吉而功不獨成相須之理誠然

嵇中散集難宅無吉凶攝生論

且鮑肆自玩而賤蘭茝猶海鳥對太牢而長愁文侯聞

雅樂而塞耳

嵇中散集答難養生論

此何異識時雨之生物因垂拱而望嘉穀乎

嵇中散集難宅無吉

山攝
生論

何異詣老空耕石田而望千倉之收用力雖盡不得其所也所謂適楚而道燕雖良馬而不到非行之不疾然

失其道也

抱朴子內
篇勤求

不知彼之求仙猶臨河羨魚而無網罟非河中之無魚

也

抱朴子內
篇釋滯

探燕巢而求鳳卵搜井底而捕鱖魚雖加至勤非其所

有也

抱朴子內
篇釋滯

謗讟不可以巧言弭實恨不可以虛事釋釋之非其道弭之不由理猶懷冰之遣冷重鑪以却暑逐光以逃影

穿舟以止漏矣

抱朴子外篇博喻

曠棘矢而望高乎渠廣策疲驚而求繼軌於周穆放斧斤而欲雙巧於班墨忽良才而欲彛倫之攸敘不亦

難乎

抱朴子外篇名實

夫冥山在乎北極而南行以觀之至仁在乎無親而仁愛以言之故郢雖見而愈遠冥山仁孝雖彰而愈非至

理也

郭子注
莊天運

莫知反一以息迹而逐迹以求一愈得迹愈失一斯大

謬矣

郭子注
莊緒信

運屈而恚天辱至而怨人是以火焚而怨燧人溺井而

尤伯益

劉子
言苑

亦何異救饑而與之珠極溺而投之玉乎

劉子
隨時

天由其時人由其道非時之夏望之不可見非道之正

行之不可至

揚子法言
註寡見

采庶子之春華忘家丞之秋實

李善註文選陸韓卿答內兄希叔詩

采薜荔兮水中搴芙蓉兮木末

文選屈原湘君歌

或益之以畝澮而泄之以尾閭欲坐望顯報者

文選嵇康養生

論

夫土之有川猶人之有口也治土而防其川猶止兒啼

而塞其口豈不遽止然其死可立而待也

補文選賈讓治河奏

駕蹇驢而無策兮又何路之能極以直鉞而為釣兮又

何魚之能得

廣文選東方曼倩哀命

舟登陸其馬濟輪涉淵而無迹

廣文選陸士龍紆思

譬享海鳥以醇醪嘉膳栖林狖以崇楹曾拱苟非其實

立有驚怖

藝文類聚人部言志書

火在井中不能燭遠目在足下不可以視近

太平御覽天部三上

為千金之裘而與狐謀之其皮不可得

太平御覽服章部裘

易傳曰當雷不雷陽德弱也

初學記天部雷

魯哀公問仲尼曰春秋之記曰冬十二月霽霜不殺菽

何為記此仲尼對曰此言可以殺而不殺也夫宜殺而

不殺桃李冬實天失道草木猶犯干之而況人君乎

困學

記聞卷

六春秋

陛下何愛其羽毛而踈其骨肉

何氏語
林箴規

暮世之治病也則不然治不本四時不知日月不審逆

從病形已成乃欲微鍼治其外湯液治其內粗工兇兇

以為可攻故病未已新病復起

黃帝素問內經
移精變氣論

棄正從蹊徑欲疾闕不通盲者不拄杖聾者聽宮商

恭同

契

亦猶和膠補釜以鋼塗瘡去冷加水除熱用湯飛龜舞

蛇終不可得

契 恭同

今遇是道法寶城不應取此虛偽之物譬如商主遇真

寶城取諸瓦礫而便還家

元陽妙經卷十

如彼愚人晡入空山覓天子綬

靈寶通微經

夫生人之所為大患莫急於疾疾而不治猶救火而不

以水也

華陽陶隱居集

譬如有人執杖和怨負水求火勤苦積紀終不能得

玉清

經道化
四夷品

失吾生道如鳥失翼亦猶濟人忘其船筏遙想彼岸無

由得度

玉清經
法印品

譬如草木遠離地水定不虛生

玉清經
法印品

譬如王子捨其父王更就餘人求為太子決不可得

羅波

蜜多經卷五
百六十九

譬如犢子若欲須乳必依其母若就餘牛則不可得

羅波

蜜多經卷五
百六十九

梵志欲遊人間語小兒曰我有少緣欲暫出行汝善守
護此火慎勿使滅若火滅者當以鑽鑽木取火然之具
械勅已出林遊行梵志去後小兒貪戲不數視火火遂
便滅小兒戲還見火已滅吹灰求火不能得已便以斧
劈薪求火復不能得又復斬薪置於臼中搗以求火又
不能得爾時梵志於人間還詣彼林所問小兒曰吾先
勅汝使守護火火不滅耶小兒對曰我向出戲不時護
視火今以滅復問小兒汝以何方便更求火耶小兒報

曰火出於木我以斧破木求火不得復斬之令碎置於
臼中杵搗求火復不能得時彼梵志以鑽鑽木出火積
薪而然告小兒曰夫欲求火法應如此不應破薪杵碎

而求

長阿含
經卷七

猶人求火以濕木為母以濕鑽鑽彼人如是為得火不
答曰不也所以者何彼以濕鑽鑽於濕木是故不得

阿含

舍經卷

二十

猶如有人欲得酥者以器盛水以抨抨之必不得酥所

以者何以邪求酥謂抨水也

中阿含經
卷四十五

猶如有人欲得油者以榨具盛沙以冷水漬而取壓之
必不得油所以者何以邪求油謂壓沙也

中阿含經
卷四十五

譬如明目士夫求堅固材執持利斧入於山林見大芭
蕉樹牖直長大即伐其根斬截其鋒葉葉次剝都無堅

實

雜阿含
經卷十

譬如小火欲令其然增以樵炭非為增炭令火滅耶

雜阿

舍經卷

二十七

譬如熾火欲令其滅足其乾薪豈不令火增熾然耶

阿雜

舍經卷

二十七

猶若有人身中毒箭彼親屬慈愍人欲令安飲欲饒益
之求索除毒箭師於是彼人作是念我不際箭要知彼
人已姓是字是像是若長若短若中若黑若白若剎利
族若婆羅門族若居士族若工師族若東方南方西方
北方誰以箭中我我不除毒箭要當知彼弓為是薩羅
木為是多羅木為翅羅鶯掘梨木我不除毒箭要當知

彼筋若牛筋若羊筋若犂牛筋而用纏彼弓我不除毒

箭要知彼弓弛為白骨耶為黑棘耶為赤棘耶

箭喻經緣三

如賣鍼人至鍼師門欲求賣鍼終不可售

別釋雜阿含經卷十四

譬如有人以炭畫日言相似者無有是處

大乘造像功德經卷上悲

九

昔有國王有一好樹高廣極大常有好果香而甜美時
有一人來至王所王語之言此之樹上將生美果汝果
能食不人答王言此樹高廣雖欲食之何由能得即便

斷樹望得其果既無所獲徒自勞苦後還欲豎樹已枯
死都無生理世間之人亦復如是如來法王有持戒樹
能生勝果心生願樂欲得果食應當持戒修諸功德不
解方便反毀其禁如彼伐樹復欲還活都不可得

百喻經
卷上

昔有癡人往大池所見水底影有真金像謂呼有金即
入水中撓泥求覓疲極不得還出復坐須臾水清復現
金色復更入裏撓泥更求覓亦復不得其父覓子得來
見子而問子言汝何所作疲困如是子白父言水底有

真金我時投水欲撓泥取疲極不得父看水底真金之影而如此金在於樹上所以知之影現水底其父言曰必飛鳥銜金著於樹上即隨父語上樹求得

百喻經
卷下

昔邊國人不識於驢聞他說言驢乳甚美都無識者爾時諸人得一馱驢欲將其乳諍共捉之其中有捉頭者有捉耳者有捉尾者有捉脚者復有捉器者各欲先得於前飲之中捉驢根謂呼是乳即便將之望得其乳眾人疲厭都無所得徒自勞苦空無所獲為一切世人之

所嗤笑

百喻經
卷下

二行增癡無益故如人風病服麴藥

三昧法門
經卷下

如截耳欲著交露璫

四阿含暮
妙解藉五

所求不以道不識事緣如犂角求乳無明覆故

大智度
論卷二

三十

如人能食一斛飯從有一斗者索欲以除饑是不能除

大智度論

卷四十一

如人欲得堅實好木捨其根莖而取枝葉雖是木名而

不中用

大智度論
卷四十一

如人手垢還以垢洗云何得淨

大智度論
卷九十五

譬如癡犬有人打擲便逐瓦石不知尋本

大莊嚴經
論卷二偈

南路求燕北轅首楚以斯適道千里而遙

弘明
集十

夫飾櫃貿珍曜夜不售所謂馳走滅迹跳動息影焉可

免乎

弘明集析
夷夏論

昔有一人欲得王意問餘人言云何得之有人語言若
欲得意王形相汝當效之此人見王眼瞞便效王瞞王問

之言汝為病耶為著風耶何以眼瞞其人答王我不病
眼亦不著風欲得王意見王眼瞞故效王也王聞是語
即大瞋恚使人加害擯令出國

法苑珠林
卷五十三

昔有愚人煮黑石蜜有一富人來至其家時此愚人取
石蜜漿為富人煮即於火上以扇扇之望得使冷傍人
語言下不止火扇扇不已云何得冷爾時人眾悉皆嗤

笑

法苑珠林
卷五十五

聽神

天道遠人道邇待著龜而襲求福之末也顛蹶望拜而

謁焉其待則薄矣

子華子北宮意問

然則有鬼乎曰有沈有履窳有髻戶內之煩壤雷霆處之東北方之下者陪阿鮭蠶躍之西北方之下者則泆陽處之水有罔象丘有萃山有夔野有彷徨澤有委蛇

莊子達生

日月食而救之天旱而雩卜筮而後決大事非以為得求也以文之也故君子以為文而百姓以為神以為文

則吉以為神則凶

荀子天論篇

人處疾則貴醫有禍則畏鬼聖人在上則民少欲民少欲則血氣治而舉動理舉動理則少禍害夫內無瘕疽痺痔之害而外無刑罰法誅之禍者其輕恬鬼也甚故曰以道蒞天下其鬼不神治世之民不與鬼神相害也故曰非其鬼不神也其神不傷人也

韓非子解老

初時者魏數年東鄉攻盡陶衛數年西鄉以失其國此非豐隆五行太一王相攝提六神五括天河殷搶歲星

非數年在西也又非天缺弧逆刑星熒惑奎台非數年
在東也故曰龜策鬼神不足舉勝左右背鄉不足以專
戰然而恃之愚莫大焉

韓非子
飾邪

世俗言曰饗大高者而彘為上牲葬死人者表不可以
藏相戲以刃者太祖斬其肘枕戶構而卧者鬼神蹠其
首此皆不著於法令而聖人之所不口傳也夫饗大高
而彘為上牲者非彘能賢於野獸麋鹿也而神明獨饗
之何也以為彘者家人所常畜而易得之物也故因其

便以尊之表不可以藏者非能其綿綿曼帛溫煖於身也世以為表者雖得貴賈之物也而不可傳於後世無益於死者而足以養生故因其資以讐之相戲以刃太祖輒其肘者夫以刃相戲必為過失過失相傷其患必大無涉血之讐爭忿鬪而以小事自內於刑戮愚者所不知忌也故因太祖以累其心枕戶櫛而卧鬼神履其首者使鬼神能玄化則不待戶牖之行若循虛而出入則亦無能履也夫戶牖者風氣之所往來而風氣者陰

陽粗痛者也離者必病故託鬼神以伸誠之也

淮南子
汜論訓

信鬼神者失謀信日者失時何以知其然夫賢聖周知
能不時日而事利敬法令貴功勞不卜筮而身吉謹仁

義順道理不禱祀而福

說苑
反質

齊大旱之時景公召羣臣問曰天不雨久矣民且有饑
色吾使人卜之祟在高山廣水寡人欲少賦斂以祠靈
山可乎羣臣莫對晏子進曰不可祠此無益也夫靈山
固以石為身以草木為髮天久不雨髮將焦身將熱彼

獨不欲雨乎祠之無益景公曰吾欲祠河伯可乎晏子
曰不可祠此無益也夫河伯以水為國以魚鼈為民天
久不雨水泉將下百川竭國將亡民將滅矣彼獨不用
雨乎祠之何益景公曰今為之奈何晏子曰君誠避宮

殿暴露與靈山河伯共憂其幸而雨乎

劉向說苑辨物

戴璧秉珪請命于河

焦氏易林
同人之晉

行如桀紂雖禱不祐

焦氏易林
復之姤

猪肩羊腍可以得兆藿葦蘘茅可以得數何必以著龜

王充論衡

卜筮篇

非犧牲之不博碩非玉帛之不豐穰信之非不款敬之

非不重有丘山之損無毫釐之益

把朴子內篇道意

信鬼神何異以踵解結終無益也

意林經子

鬼神明於聖人猶聰明耳目之與聾盲也

藝文類聚雜氣物部鼎

挿桃枝於戶連灰其下童子入不畏而鬼畏之是鬼智

不如童子也

困學紀聞卷十諸子

夫自稱山嶽神者必是蟒蛇自稱江海神者必是鼃鼃

魚鼈自稱天地父母神者必是貓狸野獸自稱將軍神者必是熊羆虎豹自稱仕人神者必是猿猴狢獍自稱宅舍神者必是犬羊猪犢門戶井竈破器之屬

弘明集
十四

喻林卷五十

欽定四庫全書

喻林卷五十一

明 徐元太 撰

人事門 四十九

失所

汎

芳斂反

彼栢舟亦汎其流

詩國風栢舟

綠兮衣兮綠衣黃裏

詩國風綠衣

絺兮綌兮淒

音妻

其以風

詩國風絺衣。叶為惜反。

終風且暴顧我則笑

詩國風終風。叶音燥。

雄雉于飛泄泄

與異同

其羽我之懷矣自詒伊阻雄雉于

飛下上

時掌反

其音展矣君子實勞我心

詩國風雄雉

有瀾

與米同

濟盈有嘯雉鳴濟盈不濡軌

與晷同叶居有反

雉鳴

求其牡

詩國風匏有苦葉

魚網之設鴻則離之燕婉之求得此戚施

詩國風新臺

燕婉之求蘧蔭

音渠除

不鮮。燕婉之求蘧蔭不殄

詩國風新

臺

其雨其雨杲杲

古老反

出日

詩國風伯兮

有杖音之杜其葉湑湑

上聲

獨行踽踽豈無他人不如我

同父○有杖之杜其葉菁菁

音

獨行眾眾

音

豈無他人不

如我同姓

詩國風杖杜

葛生蒙楚蔭蔓于野

音

予美亡此誰與獨處葛生

蒙棘蔭蔓于域予美亡此誰與獨息

詩國風

有鷺在梁有鶴在林

詩小雅

樵彼桑薪印烘于堪

音忱○詩小雅白華

如賈

音

三倍君子是識婦無公事休其蠶織

詩大雅瞻印

黃鳥民適異國見拒於人而思歸故鄉乃作是詩

詩說王

鵠羽民從征役而不得養其父母故作是詩

詩說魏

北門刺仕不得志也言衛之忠臣不得其志爾

毛詩北門

杜猶得其時蕃滋役夫勞苦不得盡其天性

毛詩杜註

魚藻刺幽王也言萬物失其性

毛詩魚藻

采芣刺怨曠也

毛詩采芣

遵彼汝墳伐其條枚箋云伐薪於汝水之側非婦人之

事言已之君子賢者而處勤勞之職亦非其事

鄭氏箋詩汝墳

舟載渡物者令不用而與衆物汎汎然俱流水中仁人

之不見用而與羣小人竝列亦猶是也

鄭氏箋
詩柏舟

絺綌所以當暑今以待寒風其失所也

鄭氏箋
詩綠衣

人居平安之世猶騅之生於陸自然也遇衰亂凶年猶

騅之生谷中得水則病將死

鄭氏箋
詩中谷

鴻大鳥也不宜與鳬鷺之屬飛而循渚以喻周公今與

凡人處東都之邑失其所也

鄭氏箋
詩九罭

太子放逐而不得生子猶內傷病之木內有疾故無枝

也

鄭氏箋
詩小弁

人之樵取彼桑薪宜以炊饔飩之饗以養食人我反以燎

於雉竈用炤事物而已

鄭氏箋
詩白華

有狐綏綏然匹行在彼淇水之梁而得其所以興今衛

之男女皆喪妃耦不得匹行乃狐之不如

毛詩正義有狐

王政之偏或用之為官令其醉酒者或不見任用不得

其漿者

毛詩正義大東

山之有薺薇之菜隰之有杞楸之木是菜生於山木生

於隰所生皆得其所以興人生處於安樂以得其所今
我天下之民遇此殘亂驚擾失性草木之不如也

毛詩
正義

四
月

有人登彼北山之上者云我采其杞菜之葉也此杞菜
非可食之物而登山以采之非宜矣以興大夫循彼長
遠之路者云我從其勞苦之役也此勞役非賢者之職
而循路以從之非其事矣

毛詩正
義北山

管茅之蒙養英英然者是鮮潤之白雲下露潤彼管之

與茅使之得長成是天地之氣無微不至著無不覆養然
天不遺物尚養彼管茅天何為獨行艱難於我申后幽
王不可於我而見黜退不得覆養是管茅之不如也

毛詩

正義
白華

桑薪薪之善者宜以炊爨而養人今不以炊爨反燎于

堪窞失其所也

毛詩正義
白華

龍欲上天五蛇為輔龍已升雲四蛇各入其宇一蛇獨

怨終不見處所

史記晉世家

此猶養魚沸鼎之中棲鳥烈火之上水木本魚鳥之所

生也用之不時必至焦爛

後漢書劉
陶謝傳

棄彼弊冠崇茲新履

晉書王
公烈傳

夫龍或俯鱗潛于重泉或仰攀雲漢游乎蒼昊而今蟠
于坎井同于蛙蝦者豈獨管庫之士或有隱伏廝役之
賢没于行伍故龍見光景有所感悟

晉書孫
楚傳

有龍矯矯頃失其所五蛇從之周徧天下龍饑無食一
蛇割股龍反其淵安其壤土四蛇入穴皆有處所一蛇

無穴號於中野

說苑復恩

有龍矯矯頃失其所一蛇從之周流天下龍反其淵安

寧其處一蛇耆乾獨不得其所

說苑復恩

龍馬上山絕無水泉喉焦脣乾舌不能言

焦氏易林乾之訟

桃鵲竊脂來於小枝搖動不安為風所吹寒心悚慄常

憂殆危

焦氏易林謙之遯

馬驚傷車步為我憂

焦氏易林豫之井

黃裏綠衣君服不宜

焦氏易林觀之革

鼻項移徙居不安坐

焦氏易林
頤之兌

雌單獨居歸其本巢毛羽憔悴志如死灰

焦氏易林
咸之咸

魚陸失所島鼃困苦澤無藿蒲晉國以虛

焦氏易林
蹇之解

龜厭江海陸行不止自令枯槁失其都市

焦氏易林
益之震

次八琢齒依齧

斗斤切

三歲無君測曰琢齒依齧君自跋

也

太玄經
第三密

夫鳥當集木巔而言草中曾當在水中而言水上以喻

所願不得失其所也

王逸註楚辭九歌

言持玄墨之文居於幽冥之處則矇矓以為不明也言

持賢知之士居於山谷則衆愚以為不賢也

王逸註楚辭九章

言黃鵠能飛翔神龍能存能亡奄然失所為鷦鷯螻蟻所制其困如此何況賢者身無爵祿為俗人所困侮固

其宜也

王逸註楚辭惜誓

山谷之中幽深險阻非君子之所處也猿狖虎豹非賢

者之偶也

王逸註楚辭招隱士

言騏驎壹馳千里乃騁之中庭促狹之處不得展足以

極遠道以言使賢者執灑掃之役亦不得展志意也

王逸

註楚辭
哀時命

言援狄當居高木茂林見其才力而置之櫺檻之中迫局之處責其捷乃非其理也以言君子當在廟堂為政而棄之山林責其智能亦非其宜也

王逸註楚辭哀時命

言冤雛之生早失其雄其母孤居吟於高牆墉之上將復遇害言已亦失其所居在於林澤居非其所恐顛仆

也

王逸註楚辭九嘆

言水得風則龍即縶戾與險阻相薄不得順其流性以

言忠臣逢讒人亦匡攘惶遽而竄伏也

王逸註楚辭九嘆

言水逢風紛亂揚波滂沛失其本性以言屈原志行清

白遭逢貪佞被過放逐亦失其本志也

王逸註楚辭九嘆

言積漬衆芳於汙泥臭井之中棄文犀之角置於筐篋

而不帶佩蔽其美質失其性也以言棄賢智之士於山

林之中亦失其性也

王逸註楚辭九嘆

當顯而反隱如無水而沈也

莊子音義則陽

求馬於市肆廣庭非其所也

莊子音義
田子方

麋何為兮庭中蛟何為兮水裔

文選屈原
湘夫人歌

烏何萃兮蘋中習何為兮水上

文選屈原
湘夫人歌

今將植橘柚於玄朔蒂華藕於修陵表龍章於裸壤奏

韶武於聾俗固難以取貴矣

文選呂安與
嵇茂齊書

譬若飛鴻驚於中庭騁騏驥於閭巷也

藝文類聚
人部聖碑

鵠竄兮荆棘鷄集兮帷幄

爾雅
翼鷄

何為謬傷海鳥橫斤山木

何氏語
林言語

朱雀翔翔戲兮飛揚色五彩遭遇網羅施兮壓之不得
舉詭譎聲甚悲兮嬰兒之慕母顛倒就湯鑊兮摧折傷

毛羽

參同契

猶如初生赤子失大慈母絕於壯齒

海空智藏
經普記品

譬如有人高厚陸地種瞻波樹水常行處復作堤塘地

既高燥又不得水漸漸枯黃不能增長

大方等大
集經十一

譬如樹枯朽乾悴枝葉凋墜時有一人於盛夏時炎
暑之月物景熾然酷熱可畏其人自遠而來加復疲困

饑渴所逼但隨道徑詣枯樹下欲求憇止非清涼地轉

求其苦

身毛喜
豎經上

羅什如好綿何可使入棘林中

高僧傳二
佛陀耶舍

如車行道捨乎大塗從邪徑敗生折軸憂

法句經
世俗品

昔有賊人入富家舍偷得錦繡即持用裹故弊氎毼種

種財物為智人所笑

百喻經
卷上

悖理

日居月諸胡迭音而微

詩國風
柏舟

人皆謂雀之穿屋似有角彊暴之男召我而獄似有室
家之道於我也物有似而不同雀之穿屋不以角乃以
味今彊暴之男召我而獄不以室家之道於我乃以侵
陵物與事有似而非者士師所當審也

鄭氏箋
詩行露

伐木尚椅其木之巔矣不欲妄賠之析薪尚施其薪之
理矣不欲妄折之彼人尚不欲妄損折薪木今王非理
而害太子其意乃不如彼伐木析薪之人

毛詩正
義小弁

若剝腹去疾炊灰止沸

春秋正義
莊公六年

以若所為求若所欲猶緣木而求魚也

孟子梁惠王上

今惡辱而居不仁是猶惡濕而居下也

孟子公孫丑上

人役而恥為役由弓人而恥為弓矢人而恥為矢也

孟子

公孫丑上

公曰下軍上軍之貳也寡人在上申生在下不亦可乎

士為對曰下不可以貳上公曰何故對曰貳若體馬上

下左右以相心目用而不倦身之利也上貳代舉下貳

代履周旋變動以役心目故能治事以制百物若下攝

上與上攝下周旋不變以違心目其反為物用也何事

能治

國語
晉

魏王欲攻邯鄲季梁聞之中道而反衣焦不申頭塵不
去往見王曰今者臣來見人於大行方北面而持其駕
告臣曰我欲之楚臣曰君之楚將奚為北面曰吾馬良
臣曰馬雖良此非楚之路也曰吾用多臣曰用雖多此
非楚路也曰吾御者善此數者愈善而離楚愈遠耳今
王動欲成霸王舉欲信於天下恃王國之大兵之精銳

而攻邯鄲以廣地尊名王之動愈數而離王愈遠耳猶

至楚而北行也

戰國策魏安釐王

吾日暮塗遠吾故倒行而逆施之

史記伍子胥傳

傳曰以賢難得故曰事不待賢以食難得故曰飽不俟

食感之甚者

前漢紀孝元上

愛子若此猶饑而食之以毒適所以害之也

後漢書何敞列傳

是猶曲表而欲直景卻行而求及前人也

後漢書楊震傳

是使跛牂欲闚高岸天險可得而登也

後漢書孔融列傳

夫兄弟者左右手也譬人將鬪而斷其右手而曰我必勝若是者可乎夫棄兄弟而不親天下其誰親之

魏志王修

傳

反裘負薪裏盡毛殫則趾適屨刻肌傷骨

魏志明帝紀註

猶開門而揖盜未可以為仁也

吳志孫權傳

志欲就於升平行先迎於禍亂是猶將適越者指沙漠以遵途欲登山者涉舟航而覓路所趣逾遠所尚轉難南北倍殊高下相反求其至也不亦難乎

晉書武帝紀

北行求郢西征索越方長迷於幽都永謬滯於昧谷遼

遼閩楚其可見乎

宋書夷蠻
天竺傳

不明於則而欲出號令猶立朝夕於運均之上擔竿而
欲定其末不明於象而欲論材審用猶絕長以為短續
短以為長不明於法而欲治民一衆猶左書而右息之
不明於化而欲變俗易教猶朝揉輪而夕欲成車不明
於決塞而欲毆衆移民猶使水逆流不明於心術而欲
行令於人猶倍招而必拘之不明於計數而欲舉大事

猶無舟楫而欲經於水險也

管子
七法

未見不得其詆而能除其疾也

孫即診。鵬
冠子天則

未成乎心而有是非是今日適越而昔至也

莊子齊
物論

是猶師天而無地師陰而無陽其不可行明矣

莊子
秋水

今有人於此少見黑曰黑多見黑曰白則以此人不知

黑白之辯矣少嘗苦曰苦多嘗苦曰甘則必以此人為

不知甘苦之辯矣今小為非則知而非之大為非攻國

則不知而非從而譽之謂之義此可謂之知義與不義

之辯乎

墨子非攻上

以此求衆譬猶使人負劔而求其壽也衆之說無可得

馬

墨子節葬下

以此求富此譬猶禁耕而求獲也富之說無可得馬

墨子

節葬

下

世俗之君子皆知小物而不知大物今有人於此竊一犬一彘則謂之不仁竊一國一都則以為義譬猶小視

白謂之白大視白則謂之黑

墨子魯問

公孟子曰無鬼神又曰君子必學祭祀子墨子曰執無鬼而學祭禮是猶無客而學客禮也是猶無魚而為魚

罟也

墨子
公孟

公孟子曰貧富壽夭醵然在天不可損益又曰君子必學子墨子曰教人學而執有命是猶命人葆而去其冠

也

墨子
公孟

以黃馬為非馬而以白馬為有馬此飛者入池而棺槨

異處此天下之悖言亂辭也

公孫龍子
白馬篇

危削滅亡之情舉積此矣而求安樂是狂生者也狂生

者不胥時而落

荀子
君道

志不免乎姦心行不免乎姦道而求有君子聖人之名
辟之是猶伏而咭天救經而引其足也說必不行矣愈

務而愈遠

荀子
仲尼

人知貴生樂安而棄禮義辟之是猶欲壽而殤頸愚莫

大馬

荀子
國篇

以人之情為欲此五暴者而不欲多譬之是猶以人之

情為欲富貴而不欲貨也好美而惡西施也

荀子王論篇

今夫與人相善也無豐年旁入之利而獨以完給者非力則儉也與人相善也無饑饉疾疫禍罪之殃獨以貧窮者非侈則墮也侈而墮者貧而力而儉者富今上徵斂於富人以布施於貧家是奪力儉而與侈墮也而欲索民之疾作而節用不可得也

韓非子顯學

夫為人子而常譽他人之親曰某子之親夜寢早起強力生財以養子孫臣妾是謗誹其親者也為人臣常譽

先王之德厚而願之是誹謗其君者也非其親者知謂

之不孝而非其君者天下賢之此所以亂也

韓非子
忠孝

衣不舉領者倒走不視地者顛

黃石公素
書安履

今有人於此無禮慢易而求敬阿黨不公而求令煩號

數變而求靜暴戾貪得而求定雖黃帝猶若困

呂氏春
秋審應

春行夏令泄行秋令水行冬令肅夏行春令風行秋令

蕪行冬令格秋行夏令華行春令榮行冬令耗冬行春

令泄行夏令旱行秋令霧

淮南子
時則訓

為儒而踞里閭為墨而朝吹竽欲滅跡而走雪中拯溺

者而欲無濡是非所行而行所非

淮南子
說山訓

以非義為義以非禮為禮譬猶僇走而追狂人盜財而

與乞者竊簡而寫法律蹲踞而誦詩書

淮南子
說山訓

范氏之敗有竊其鐘負而走者鎗然有聲懼人聞之遽

掩其耳憎人聞之可也自掩其耳悖矣

淮南子
說山訓

有以飮死者而禁天下之食有以車為敗者而禁天下

之乘則悖矣

淮南子
說林訓

夫所以養而害所養譬猶削足而適履殺頭而便冠

淮南

子說
林訓

譬猶食穀衣絲而非耕織者也載於船車服而安之而非工匠者也食於釜鬲須以生活而非陶冶者也此言

違於情而行矇於心者也

說苑
建本

非其人而欲有功譬其若夏至之日而欲夜之長也射魚指天而欲發之當也雖舜禹猶亦困而又況乎俗主

哉

說苑
尊賢

桑鵲竊脂啄粟不宜

焦氏易林同人未濟

鼻移在頭枯葦復生下朽上榮家乃不寧

焦氏易林大過之萃

一衣三冠冠无所加

焦氏易林晉之乾

雄雞不晨雌雞具呻

焦氏易林困之既濟

次五東南射兕西北其矢測曰東南射兕不得其首也

太玄經
第一庚

次五童牛角馬不今不古測曰童牛角馬變天常也

太玄

經第
三更

次八反其几雙其杞几家不音測曰反几雙杞家用不

臧也

太玄經
第三居

次四止于童木求其疏穀測曰止于童木求其窮也

太玄

經第
六止

次八雌鳴于晨北角魚木測曰雌鳴于晨厥正反也

太玄

經第
六失

言寧有萍草生於水中無根乃漫衍于九交之道

王逸
註楚

辭天
問

禮喪不飲酒食肉而日醉於酒欲整喪紀猶無目欲視

青黃無耳欲聽宮商也

呂氏春秋
貴公解

何異懸瓦礫而貴夜光絃不調而索清音哉

抱朴子外
篇審舉

若子言不恃他物則宜擣肉治骨以為金瘡之藥煎皮

熬髮以治禿鬢之疾耶

抱朴子內
篇對俗

何異負豕而欲無臭馮河而欲不濡無轡策而御奔馬

棄柁櫓而乘輕舟未見其可也

抱朴子外
篇詰訛

失亡其子而不能遠索遺其氣類而亦未始自非人

之自是有斯謬矣

郭子莊註
徐無鬼

此聽虛而責響視空而索影悖情倒理誣罔之甚也

劉子

傷
讓

賤子貴飭自以為是

莊子音義
徐無鬼

子不嫌僕德之不劬而疑其位之不到是猶反鏡而索

照登木而下釣

補文選夏
侯湛抵疑

觀吾子之趨欲行傾城之金求百錢之售制造天之梯

擬膚寸之檢

廣文選阮嗣
宗答伏羲書

未嘗夢乘車入鼠穴擣虀取鐵杵無想無因故也

世說新語

語言

食穀而鄙田衣帛而笑蠶是惑也

太平御覽百穀部穀

猶如畏大地疾走欲藏身縱日馳千里非地不容身

大乘

妙林經偈

何於空谷響而求生相於焦穀中而求牙相

大乘妙林經

譬如有人欲於無色無見無對無所依止空中種樹彼

極為難

波羅蜜多經三百六十三

如說言螢火小蟲負須彌山飛空而去為可信不

大寶積經

二卷

譬如有人於夜闇中掉弄手臂搖動面目言我弄世間

彼為弄誰是人自弄何以故於中無人為可弄故

大寶積經

三卷

何故明目人而羨盲瞽導豈有岸上人反樂沉溺者何

有解脫人而復樂牢獄

大寶積經
卷六十一

譬如有人漂沒大水渴乏而死

大寶積經卷
一百一十三

如世人言我能捉電電雖可見而不能捉

大方等大
積經十九

譬如有人自挑其目盲無所見而欲導他登上太山終

無是處

大集地藏十
輪經卷四

如言石女子威儀而進退兔角有鈷利沙中能出油

大

密嚴經

卷下

不見以兔角觸壞於大山曾無石女兒執箭射於物未

大

聞欲鬪戰而求兔角弓誰復須宮室令石女兒造

密嚴經

卷下

譬如善屠牛師手執利刀解剥其牛乘間而剥不傷內
肉不傷外皮解其肢節筋骨然後還以皮覆其上若有
人言此牛皮肉全而不離為等說不答言不也

雜阿含
經卷十

一

那先言如人沽美酒著大器中急塞一人口倒置酒中
令嘗酒其人寧知酒味不王言未入口到舌上故不知

味

那先比丘
經卷中

如鐵出金誰當信者

大智度
論卷二

譬如人問構牛角得幾斗乳是為非問

大智度論卷二

譬如百由旬大火聚有人負乾草入火中過不燒一葉

是為甚難

大智度論卷七

譬如無足欲行無翅欲飛無船欲度是不可得

大智度論卷十

三

譬如人種樹不依於地而欲得其根莖枝葉成其果實

是難可得

大智度論卷二十八

又如毛孔之空欲比十方空無有是理

大智度論卷七十九

譬如清冷雲中而霹靂起火非所應也

遺教經論
離十二

譬如有人懼諸霜雹疾風暴雨水火等災損害虛空勤

加守護

廣百論
卷三

猶如春農夫不下於種子至秋無果實而可得收穫

大莊

嚴經論

卷二偈

且生而可養則日及可與千松比霜朝菌可與萬椿齊

雪耶

弘明集折
夷夏論

斯何異斬刈根本而修枝幹而言不殞碩茂未之聞見

弘明集孫
綽論

猶無柯而求伐不食而獨飽焉可得乎

弘明集
釋駁論

猶訪道於瘖聾魔方而莫窮遠邇問津於兔馬知濟而

不測淺深

辯正論
卷六

若夫廢宗廟之染盛加子孫之魚肉毀蒸嘗之黻冕充
僕妾之衣服苟求惠下之恩不崇安上之福恨養親之
費饒思廢養之潤屋如此可謂忠孝之道乎

法苑珠林
卷五十五

越理

居履之時以陽處陽猶曰不謙而況以陰居陽以柔乘剛者乎故以此為明眇目者也以此為行跛足者也以

此履危見咥者也

王弼註
易履

先染絲後製衣皆女之所治為也而女反亂之

鄭氏箋
詩綠衣

墀邊有陂茅蒐生焉茅蒐之為難淺矣易越而出

鄭氏箋
詩

東門
之墀

鵲旦是求旦之鳥夜中而鳴以求早旦不可得也言人視彼求旦之鳥欲反夜作晝是鳥無識也求不可得之

物人猶尚惡之況人上僭於君求不可得之物以下亂

上人惡之可知也

禮記正義
孔子閒居

畜老猶憚殺之而況君乎

左傳宣
公四年

殺老牛莫之敢尸而況君乎

左傳成公
十八年

紵兄之臂而奪之食則得食不紵則不得食則將紵之
乎踰東家牆而樓其處子則得妻不樓則不得妻則將

樓之乎

孟子告
子下

君有短垣而自踰之況蠻荊則何有於周室

國語
吳

郢人有鬻其母為請於買者曰此母老矣幸善食之而

勿苦此行大不美而欲為小義者

淮南子
說山訓

狼虎爭強禮義不行

焦氏易林
恒之困

耕石不生棄禮无名

焦氏易林
歸妹之賁

私已

不能大通則各私其黨而求利焉楚人亡弓不能亡楚

愛國愈甚益為它災

王弼註
易同人

餅小而盡壘大而盈言為壘恥者刺王不使富分貧衆

恤寡

鄭氏箋
詩蓼莪

貪於政者不能分人以事厚於貨者不能分人以祿

墨子

尚賢

中

垂其股肱之力而不相勞來也腐臭餘財而不相分資也隱匿良道而不相教訓也

墨子尚賢下

盜愛其室不愛其異室故竊異室以利其室賊愛其身不愛人故賊人以利其身此何也皆起于相愛雖至大夫之相亂家諸侯之相攻國者亦然

墨子魚愛上

次四動之丘陵失澤朋測曰動之丘陵失下危也

太玄經第

十二

次七噍于體黃肉毀測曰噍于體骨肉傷也

太玄經第五噍


譬如多人共一妙寶有人獨用豈得自在

本緣經月光王品

譬如賈客遠到他方雖持雜物多所饒益然非憐愍衆

生以自求利故

百論卷上守八



喻林卷五十一